

Republika e Shqiperise  
Enti Rregullator i Energjise

**LICENCË**  
**PËR VEPRIMTARINE E TREGTIMIT TË GAZIT NATYROR**

Seria: \_\_\_\_\_

Numri i Licencës: \_\_\_\_\_

Data e Hyrjes ne Fuqi: \_\_\_\_\_  
(Vendim i ERE-s, Nr. \_\_\_\_\_, datë \_\_\_\_ . \_\_\_\_ . \_\_\_\_)

Licensa i jepet: \_\_\_\_\_  
(Emri dhe adresa )

NUIS: \_\_\_\_\_

Certifikata e Regjistrimit: \_\_\_\_\_  
(Seria, Numri, Vendi i Regjistrimit)

Bazuar në autoritetin qe i është dhënë në Seksionit të dytë të Ligjit Nr. 102/2015“Për Sektorin e Gazit Natyror”, Enti Rregullator i Energjisë (“ERE”) i jep këtë Licensë Tregtimi (“Licensa”), për të kryer aktivitetin e tregtimit të gazit natyror, Personit të lartpërmendur, i quajtur “I Licensuari”, subjekt i Kushteve të kësaj Licence si dhe kushteve të përcaktuara në Vendimin Bordit të ERE-s. Kjo Licensë hyn në fuqi në datën e shkruar më lart dhe do të vazhdojë të jetë në fuqi për një periudhë prej \_\_ vjetësh, në rast se nuk përfundohet ose pezullohet nga ERE në përputhje me Kushtet e Licencës të përfshira këtu.

[Kryetari]

[Vula e ERE-s]

---

Republika e Shqiperise  
Enti Rregullator i Energjise

**KUSHTET E LICENCËS**  
**Per**  
**VEPRIMTARINË E TREGTIMIT TË GAZIT NATYROR**

Seria: \_\_\_\_\_ Nr. i Licencës \_\_\_\_\_

I jepet: \_\_\_\_\_  
(Emri i plotë i të Licensuarit)

**Dispozita të Përgjithshme**

- 1.1** ERE është autoriteti i vetëm në Republikën e Shqipërisë, i njohur sipas ligjit dhe ligjit 102/2015 “Për sektorin e gazit natyror”, që lëshon dhe deklaron hyrjen në fuqi të kësaj Licence.
  - 1.2** Nëse ndonjë kusht i kësaj Licence pushon se qëni efektiv, ai kusht do të hiqet nga Kushtet e Licencës dhe Kushtet e mbetura do të vazhdojnë të jenë në fuqi.
  - 1.3** Kjo Licencë, nuk do t’i transferohet tërësisht ose pjesërisht, asnjë Personi tjetër pa miratimin paraprak me shkrim të ERE-s. Kur miraton një transferim, ERE mund t’a modifikojë periudhën e Licencës ose Kushtet e tjera të Licencës pasi të ketë arsyetuar vendimarrjen.
  - 1.4** ERE ndryshon Licencën në përputhje me nenin 28 të Ligjit nr. 102/2015 “Për Sektorin e Gazit Natyror, si dhe parashikimet e Rregullores për procedurat dhe afatet për dhënien, modifikimin, transferimin, ose heqjen e licensave në sektorin e gazit natyror”, në rastet e mëposhtëme,
    - a)** me iniciativën e vet,
    - b)** në bazë të një vendimi gjyqësor të formës së prerë
    - c)** kur ndryshojnë kushtet, për të cilat është dhënë licenca,
    - d)** me kërkesën e të licensuarit.
-

**1.5** I Licensuari mund të kërkojë një modifikim të kësaj Licence nëpërmjet një kërkesë të detajuar me shkrim si dhe dokumentacionit mbështetës, në përputhje me Rregulloren për procedurat dhe afatet për dhënien, modifikimin, transferimin, ose heqjen e licensave në sektorin e gazit natyror.

**1.6** I Licensuari mund t'i parashtojë ERE-s një kërkesë me shkrim për rinovimin e Licencës jo më pak se 3 muaj para përfundimit të afatit të Licencës së dhënë.

1.7 Përkufizimet e termave të përcaktuara në ;

- (i) Ligjin Nr. 102/2015, “Për Sektorin e Gazit Natyror”
- (ii) Ligjin nr. 43/2015 “Për Sektorin e Energjisë Elektrike”,
- (iii) Rregulloren për procedurat dhe afatet për dhënien, modifikimin, transferimin, ose heqjen e licensave në sektorin e gazit natyror.
- (iv) Rregulloren e organizimit, funksionimit dhe Procedurat e ERE,
- (v) Rregullat dhe Rregulloret që i përkasin Sektorit të Gazit Natyror,

përfshihen në këtë Licencë për çdo qëllim. Fjalë dhe fraza të tjera, të përdorura në këtë Licencë dhe në Kushtet e Licencës, të cilat nuk përfshihen në ligjet dhe rregulloret e mësipërme, kanë kuptimet si më poshtë vijon:

**2.1. Biznes i Lidhur** do të thotë çdo biznes, i cili ;

- a) Direkt ose indirekt , plotësisht ose pjesërisht, zotërohet nga i Licencuari; ose
- b) Ka të drejta pronësie mbi të Licencuarin; ose
- c) Është pronë e një Personi, i cili është pronë e të Licencuarit.

**2.2. Ndër-Subvencionime** do të thotë transferimi i fondeve ose ndarje e kostove ndër llogaritë e të Licencuarit, ose llogaritë e Bizneseve të Lidhura me qëllim mbështetjen financiare të një aktiviteti apo biznesi duke i kaluar kostot tek një aktivitet apo biznes tjetër.

**2.3. Aktivitet i Licencuar** do të thotë aktivitetet e lidhura direkt dhe të nevojshme për aktivitetin e tregtimit dhe ndërveprimin me sistemet e tjera të transmetimit, në përputhje me Rregullat dhe Rregulloret në fuqi.

**2.4. I Licencuar** sikurse përdorur në këtë dokument, do të thotë Personi i përmendur në faqen e parë të kësaj Licence, i cili zotëron lejen e marrë nga ERE për kryerjen e Aktivitetit të Licencuar.

---

- 2.8 Procedurat e Licencimit për Sektorin e Gazit Natyror** do të thote procedura e parashikuar në Rregulloren për procedurat dhe afatet për dhënien, modifikimin, transferimin, ose heqjen e licensave në sektorin e gazit natyror miratuar me vendimin e Bordit të ERE
- 2.12 Rregullat dhe Rregulloret** do të thotë të gjitha standartet, kodet, rregullat, rregulloret, metodologjitë dhe çdo vendim ose akt tjetër në fuqi, të miratuara nga ERE dhe autoritete të tjera ligjvënese.
- 2.13 Informacion me Ndjeshmëri Tregtare** do të thotë, të dhëna në lidhje me biznesin ose me natyrë tregtare që zotërohen nga i Licencuari gjatë procesit të ushtrimit të Aktivitetit të Licencuar, të cilat duhet të mbahen konfidenciale.
- 2.14 Informacion me Avantazh Tregtar** do të thotë informacion i lidhur me aktivitetin e vetë të Licencuarit, i cili duhet të mbahet konfidencial dhe nuk duhet t'i jepet apo t'i bëhet i ditur të tjerëve në mënyre diskriminuese.
- 2.15 “Forcë madhore”** është një akt ose ngjarje natyrore apo shoqërore, si tërmetet, rrufetë, ciklonet, përmbytjet, shpërthimet vullkanike, zjarret ose luftërat, konfliktet e armatosura, kryengritjet, veprime terroriste ose ushtarake, të cilat pengojnë të licencuarin të përmbushë detyrimet e tij sipas licencës, si dhe akte apo ngjarje të tjera që janë përtej kontrollit të arsyeshëm dhe që nuk kanë ardhur për faj të të licencuarit dhe i licencuari nuk ka pasur mundësi të shmangë një akt ose ngjarje të tillë nëpërmjet ushtrimit të vullnetit, përpjekjeve, aftësive dhe kujdesit të tij të arsyeshëm.
- 2.16 Operim”** është vënia në veprim dhe shfrytëzim, në kuptimin tregtar, të infrastrukturës së sistemit të gazit natyror, në përputhje me kushtet e përcaktuara në licencën përkatëse, të lëshuar nga ERE.
- 2.17 “Pagesa rregullatore”** është pagesa vjetore që shoqëritë e licencuara në sektorin e gazit natyror paguajnë në ERE për të mbuluar kostot e veprimtarisë rregullatore të tij, në bazë të një metodologjie të miratuar nga ERE.
- 2.18 “Tregtar i gazit”** është një shoqëri që kryen veprimtari të tregtisë së gazit, si një veprimtari tregu, e pajisur me licencë për ta ushtruar këtë veprimtari.
- 2.19 “Tregtia e gazit”** është shitblerja e gazit natyror, duke përjashtuar shitjen e tij te klienti fundor.
- 2.20 “Tregtim”** është blerja ose shitja me shumicë e gazit natyror.
- 2.21 Operator i Sistemit të Transmetimit (OST)”** është personi juridik, që kryen veprimtarinë e transmetimit dhe është përgjegjës për operimin, sigurimin e mirëmbajtjes dhe, nëse është e nevojshme, zhvillimin e sistemit të transmetimit në një zonë të caktuar dhe, ku është e zbatueshme, ndërlidhjen e tij me sistemet e tjera, si dhe për garantimin e mundësive afatgjata të sistemit për të përmbushur kërkesat e arsyeshme për transportin e gazit.
-

## **2 Kryerja e Veprimtarise se Licensuar**

- 2.1** I Licensuari autorizohet nga kjo Licencë për kryerjen e Veprimtarisë së Licensuar.
- 2.2** I Licensuari nuk do të bashkëpunojë në asnjë mënyrë me të Licensuar të tjerë lidhur me Veprimtarinë e Licensuar në dëm të tregtuesve, furnizuesve ose klientëve dhe përdoruesve ekzistues ose të mundshëm.
- 2.3** I Licensuari nuk do të angazhohet në kryerjen e veprimeve ose në ndonjë aktivitet tjetër që përbën sjellje anti-konkurese sipas Legjislacionit në Fuqi.
- 2.4** I Licensuari nuk do të angazhohet në veprimtari të tjera, që pengojnë ose mund të pengojnë kryerjen si duhet të Veprimtarisë së Licensuar. I Licensuari do të njoftojë ERE-n para se të ndërmarrë ndonjë veprimtari, përveç Veprimtarisë së Licensuar.
- 2.5** I Licensuari nuk do të pengojë, parandalojë ose të përpiqet të parandalojë të Licensuar të tjerë apo konkurrues potencialë që të angazhohen ligjërisht ose të hyjnë në biznesin e Gazit natyror në Republikën e Shqipërisë.
- 2.6** Gjithë marrëveshjet e shitblerjes së gazit natyror duhet të përputhen me legjislacionin në fuqi për aq sa kërkohet nga këto të fundit.
- 2.7** Të gjitha marrëveshjet do të jene objekt monitorimi nga ERE për të siguruar funksionimin e tregut dhe që të licensuarit nuk ushtrojnë ndikim mbi tregun duke ndjekur praktika të padrejta dhe që bien ndesh me Ligjislacionin për Konkurrencën.

## **3 Detyrimet e të Licensuarit**

- 3.1** I Licensuari do të respektojë Legjislacionin në Fuqi gjatë ushtrimit të funksioneve sipas kësaj Licence.
  - 3.2** I licensuari do të ndërmarrë masat e nevojshme për garantimin e aftësive teknike dhe financiare për kryerjen e aktivitetit të licensuar
-

**3.3** I licensuari do të regjistrohet si pjesmarrës i tregut shqiptar të gazit natyror pranë Operatorit të Tregut të Gazit Natyror sipas procedurave të regjistrimit dhe do të zbatojë legjislacionin në fuqi dhe vendimet e ERE.

**3.4** I Licensuari do të ndërmarrë të gjithë masat e nevojshme për përmirësimin e eficiencës operative dhe ekonomike të Veprimtarisë së Licensuar me qëllim që të sigurojë cilësinë dhe qëndrueshmërinë e shërbimeve të ofruar prej tij në përfitim të klienteve, dhe sektorit të gazit natyror.

**3.5** I Licensuari do të përmbushë gjithë Rregullat e Operatorit të Sistemit të Transmetimit të miratuara nga ERE, përfshirë zbatimin e gjithë urdhrave operative, udhëzimeve si dhe paraqitjen e informacionit teknik dhe gjithë dokumentacionit tjetër sipas kërkesave të Kodit të Rrjetit të transmetimit të gazit natyror, dhe Rregullave të Tregut të Gazit Natyror.

### **3.6** Llogaritë dhe Raportimi

**3.6.1** I Licensuari do të mbajë regjistra llogarie dhe do të përgatisë bilance financiare konform legjislacionit në fuqi, dhe standartet ndërkombëtare të kontabilitetit. I Licensuari do t'i dorëzojë ERE-s bilancet financiare vjetore së bashku me raportet e auditit brenda datës 31 mars të çdo viti.

**3.6.2** Të Licensuarit i kërkohet të përgatisë dhe t'i paraqesë ERE-s në 31 janar të çdo viti, një raport vjetor lidhur me operimet e tij gjatë vitit të mëparshëm kalendarik, që përmban sa më poshtë:

- a) një përmbledhje dhe analizë të operimit në veprimtarinë e licencuar,
- b) sasinë e gazit të tregtuar, si dhe çmimin e blerjes dhe shitjes së tij,
- c) çdo ndërprerje të veprimtarisë si dhe përshkrim i arsyeve të ndërprerjes,
- d) një përmbledhje dhe analizë të kontratave të lidhura për shitblerjen e gazit natyror në fuqi dhe gjatë vitit që raportohet,

**3.6.3** I Licensuari do t'i paraqesë ERE-s, me kërkesën e saj dhe sipas formës dhe brenda kohës së vendosur nga ERE, çdo informacion që është i domosdoshëm për ERE-n për të kryer përgjegjësitë e saj rregullatore të autorizuara.

**3.6.4** I licencuari do të vërë në dispozicion të ERE-s, ministrisë, Autoritetit të Konkurrencës dhe autoriteteve të tjera përgjegjëse të dhënat përkatëse, për një periudhë, të paktën, 5 vjet, në lidhje me të gjitha transaksionet, në kontratat e tregëtimit me gaz dhe derivativëve të tij, me klientët me shumicë, OST-në, operatorët e sistemit të depozitimit dhe të sistemit të GNL-së.

---

- 3.6.5** Këto të dhëna vihen në dispozicion edhe të Sekretariatit të Komunitetit të Energjisë po për të njëjtën periudhë.
- 3.6.6** Të dhënat duhet të përfshijnë detaje për karakteristikat e transaksioneve përkatëse, si kohëzgjatja, rregullat e ofertës dhe zgjidhjes së mosmarrëveshjeve, sasinë, datat, kohën e ekzekutimit të kontratës, çmimet e transaksionit, mjetet e identifikimit të klientëve me shumicë të përfshirë, si dhe detaje për të gjitha kontratat e papaguara.
- 3.6.7** ERE mund të vërë në dispozicion të pjesëmarrësve të tregut të dhëna të caktuara, të deklaruara nga i licencuari, me kusht që të mos publikohet informacioni që përbën sekret tregtar.
- 3.6.8** I Licensuari do ta njoftojë ERE-n brenda 10 ditëve për çdo ndryshim të:
- a) Adreses;
  - b) Statutit të të Licensuarit;
  - c) Certifikatës së regjistrimit;
  - d) NUIS;
  - e) Drejtuesve të lartë;
- 3.6.9** Gjithë njoftimet zyrtare, aplikimet, petitionet, deklaratat ose korrespondenca tjetër me ERE-n lidhur me detyrimet sipas kësaj Licence duhet të jenë me shkrim, duke caktuar respektivisht nga një zyrtar të autorizuar ose përfaqësues tjetër të të Licensuarit ose të ERE-s. Këto dërgohen me korrier ose postë të regjistruar, duke kërkuar një verifikim të fletës së marrjes. Adresat e Palëve duhet të vendosen mbi zarf. Gjithë njoftimet ose korrespondenca tjetër do të konsiderohen se hyjnë në fuqi nga momenti i dorëzimit, ose nëse nuk janë dorëzuar për shkak të gabimit të dërguesit, nga momenti i prezantimit. Do të konsiderohen të pranuar edhe gjithë njoftimet e dërguara përmes postës elektronike zyrtare të komunikuar më parë nga palet.

### **3.7 Përdorimi i Informacionit**

- 3.7.1** Sipas Ligjit, Kodit të Transmetimit, Kodit të Shpërndarjes, Rregullave të Tregut të Gazit Natyror dhe kërkesave të rregulloreve përkatëse, I Licensuari do të sigurojë që, çdo informacion i marrë nga të tjerët si rezultat i Veprimtarisë së tij të Licensuar, nuk do t'i jepet askujt, përveç rasteve kur:
- a) Ka pëlqimin paraprak me shkrim të Personit me çështjet e të cilit lidhet informacioni;
  - b) informacioni është tashmë i njohur për publikun;
  - c) kur të Licensuarit i kërkohet ose i lejohet t'a përhapë informacionin për të përmbushur Kushtet e kësaj Licence, çdo urdhër të ERE-s, dhe Legjislacionit në Fuqi.
-

**3.7.2** Me kërkesën e ERE-s, i Licensuari do të ndërmarrë çdo hap të nevojshëm për ta mbrojtur informacionin konfidencial që posedon dhe do t'i paraqesë ERE-s raporte që lidhen me respektimin e detyrimeve të parashikuara ne Paragrafet 3.9.1 dhe 3.9.2.

**3.7.3** Informacioni që i sigurohet ERE-s nga i Licensuari do të konsiderohet publik përveç, kur me kërkesë të veçante të të Licensuarit, ERE me vendim siguron se ky informacion është i natyrës pasurore dhe se interesi publik të cilit i shërbehet nga përhapja e tij, nuk do ta justifikojë ose kompensojë dëmin komercial potencial ndaj të Licensuarit.

### **3.8 Pagesat e Rregullimit**

3.8.1 I Licensuari do të paguaje pagesën e rregullimit në mënyrën e përcaktuar nga ERE gjate afatit të kësaj Licence në përputhje me nenin 14 të Ligjit Nr. 102/2015 “Për Sektorin e gazit Natyror” .

3.8.2 Nëse i Licensuari nuk i paguan ERE-s pagesat e rregullimit brenda afatit të kërkuar nga ERE, ndaj të Licensuarit do të merret masë administrative në përputhje me Nenin 106, të Ligjit Nr. 102/2015“Për Sektorin e Gazit Natyror”.

## **4 Kontrolli mbi Performancën e Veprimtarisë së Licensuar**

**4.1** ERE do të monitorojë respektimin nga i Licensuari të Kushteve të Licences, do të rishikojë raportet e marra nga i Licensuari dhe është e autorizuar që të inspektojë në çdo kohë regjistrat financiarë të të Licensuarit dhe mund të kërkojë një auditim teknik dhe/ose financiar të veprimtarive të të Licensuarit.

**4.2** Përfaqesuesit e autorizuar të ERE-s mund të hyjnë në ambientet, pajisjet dhe dokumentet e të Licensuarit për të inspektuar Veprimtarinë e Licensuar sipas Rregullave të ERE-s. I Licensuari do të japë çdo ndihme të kërkuar nga ERE gjatë këtij inspektimi.

**4.3** Në bazë të ankesës së konfirmuar të çdo pale të tretë ose me iniciativën e vet, ERE mund të nisë një hetim administrativ për respektimin nga i Licensuari të Kushteve të Licences ose Rregullave të ERE-s.

**4.4** Nëse pas hetimit, ERE konkludon se i Licensuari nuk i ka respektuar Kushtet e Licensës, ERE mundet të ndërmarrë masa të tjera brenda autoritetit të saj me qëllim që të sigurojë përmbushjen e afateve dhe kushteve të kësaj Licence.

---



**4.5** I Licensuari do t'a informojë dhe sqarojë ERE-n për çdo shkelje të Kushteve të Licencës, jo me vonë se një javë pasi kjo shkelje i bëhet e njohur të licensuarit.

**4.6** I Licensuari do t'u bindet vendimeve të nxjerra nga ERE, përfshirë pagesat e gjobave të vëna nga ERE, sipas Legjislacionit në Fuqi.

## **5 Heqja e Licencës**

5.1 ERE heq një licencë kur i licensuari:

- a) nuk përmbush më kushtet thelbësore të licencës
- b) shkel dispozitat ligjore për mbrojtjen e mjedisit gjatë kryerjes së veprimtarisë së tij;
- c) rrezikon jetën, shëndetin dhe pasurinë e qytetarëve;
- ç) nuk kryen pagesat e rregullimit, të vendosura nga ERE
- d) bëhet financiarisht i paaftë ose kërkon shpalljen e falimentimit;
- dh) me kërkesë të të licensuarit;
- e) ka pushuar së kryeri funksionet e caktuara sipas licencës.

**5.2** Nëse i Licensuari ndryshon statusin e tij ligjor ose aksioneri kryesor / ortaku që kontrollon interesat e të Licensuarit ndryshohet pa autorizim nga ERE, Licensa bëhet e pavlefshme dhe anulohet dhe pasuesi i të Licensuarit do të aplikojë për një Licencë të re sipas Rregullores për procedurat dhe afatet për dhënien, modifikimin, transferimin, ose heqjen e licensave në sektorin e gazit natyror

**5.3** Kjo Licence mund të transferohet vetëm me vendim me shkrim të ERE-s dhe sipas afateve dhe kushteve të vendosura nga ERE. Çdo vendim i ERE-s për ndonjë transferim të kësaj Licence do të jetë objekt i gjykimit të ERE-s nese personi të cilit i transferohet licensa do të ketë aftësinë teknike dhe financiare për të plotësuar afatet dhe kushtet e kësaj Licence.

**5.4** Çdo transferim i kësaj Licence pa miratimin e ERE-s do të anulohet dhe do të përbëjë një shkelje të kësaj Licence.

**5.5** Kur Licensa perfundon si pasoje e shkeljeve nga i Licensuari te kushteve te Licencës, i Licensuari do të pergjigjet për koston e që i shkakton ERE-s, dhe pjesëmarrësve të tregut si rezultat i këtij përfundimi, siç përcaktohet nga ERE, përfshirë koston lidhur me transferimin e rregullt të Licences tek një i Licensuar i ri.

**5.6** Kur ERE përcakton se i Licensuari ka shkelur një ose me shumë kushte të Licencës, të Licensuarit do t'i jepet një mundësi e arsyeshme për ta korrigjuar shkeljen para përfundimit të Licencës, përveç kur shkelja përfshin korrupsion

---

ose pandershmëri të vërtetuara nga organet me autoritetin përkatës sipas ligjeve në fuqi.

## **6 Situatat e Emergjencës**

**6.1** I Licensuari nuk do të konsiderohet se ka shkelur kushtet e kësaj Licence në rast se parandalohet në përmbushjen e tyre nga forca madhore ose rrethana të tjera emergjence.

**6.2** Në kushtet e emergjencës, i Licensuari:

- a) do të sigurojë bashkepunimin e nevojshëm me autoritetet dhe institucionet përgjegjëse për të vepruar në situatë emergjence, me qëllim që të rifillojë veprimtarinë brenda një periudhe kohore sa më të shkurtër;
- b) do të plotësojë detyrimet e tij për reduktimin e rreziqeve dhe humbjeve lidhur me jetën, shëndetin dhe pronën e palëve të treta;
- c) Brenda 24 orëve nga ngjarja e emergjencës, i Licensuari do të njoftojë ERE-n për situatën e emergjencës dhe veprimet që do të ndërmarrë për rifilluar veprimtarinë normale.

**6.3** Nëse i Licensuari e parashikon situatën e emergjencës siç përcaktohet nga Legjislacioni në Fuqi, i Licensuari do të njoftojë ERE-n brenda 24 orëve dhe ky njoftim do të përshkruajë se çfarë hapash do të marrë i Licensuari për të mënjanuar ose përmiresuar ndikimet e situatës emergjente të parashikuar.

## **7 Zgjidhja e Mosmarreveshjeve dhe e Drejta për Apel**

**7.1** Çdo çështje e diskutueshme ose pretendim mes të Licensuarit dhe çdo pjesëmarrësi në treg lidhur me Kushtet e Licences dhe zbatimin e legjislacionit në fuqi do të zgjidhet me mirekuptim midis palëve..

**7.2** Nëse zgjidhja nuk arrihet me mirekuptim midis palëve, në bazë të kërkesës së një prej palëve në mosmarreveshje, ERE do të zgjidhë mosmarreveshjen dhe do të nxjerrë vendimin e tij në përputhje me Legjislacionin në Fuqi.

**7.3** Çdo palë në konflikt mund të apelojë kundër vendimeve të ERE-s në Gjykatën e Administrative Tirane Brenda 45 ditëve kalendarike nga data e publikimit të vendimit në Fletoren Zyrtare.

---

- 7.4** "Subjektet e licencuara do të zbatojnë vendimet e ERE-s, deri në një vendim gjykate të formës së prerë".

Republika e Shqiperise  
Enti Rregullator i Energjise

**LICENCË**  
**PER VEPRIMTARINE E TREGTIMIT TË GAZIT NATYROR**

Licensa i jepet:

\_\_\_\_\_  
(Emri i plote i të Licensuarit)

Seria: \_\_\_\_\_ Nr. i Licencës: \_\_\_\_\_

---

Data e hyrjes në fuqi të kësaj Shtojce: \_\_\_\_\_